

# Manuali i perdorimit KosovAR

[Hyrje](#)

[Frontend-i](#)

[React.js + TypeScript](#)

[Vite](#)

[Backend](#)

[Supabase](#)

[Hostimi dhe menaxhimi i sistemit](#)

[Netlify](#)

[Përdorimi i Netlify në KosovAR:](#)

[Rrjedha e punës me Netlify:](#)

[Supabase Dashboard](#)

[ARKITEKTURA E SISTEMIT](#)

[Shtresa e Parë: Frontend](#)

[Shtresa e Dytë: Store & Logjikë e Aplikacionit](#)

[Shtresa e Tretë: Backend](#)

[Rrjedha e të Dhënave](#)

[Shembull në projekt:](#)

[Baza e të dhënave](#)

[Mbështetje dhe kontakt teknik](#)

# Hyrje

Ky user manual është krijuar është përgatitur me qëllim që të shërbejë si një udhëzues i plotë dhe i qartë për kedo që është i përfshirë në mirëmbajtjen, zhvillimin dhe funksionimin e përditshëm të web aplikacionit **KosovAR**. Ai përmban informacion të strukturuar dhe praktik mbi të gjitha aspektet teknike të sistemit, që nga konfigurimi fillestar deri te monitorimi dhe menaxhimi i avancuar i funksioneve të brendshme. Ai përfshin udhëzime të hollësishme për ambientimin e mjedisit të zhvillimit, instalimin, përshkrimin e arkitekturës, menaxhimin e të dhënave, autentifikimit dhe integritit të augmented reality (AR).

## Instalimi dhe konfigurimi

Hapat në vijim paraqesin pjesën e instalimit të repositorit lokalisht prej GitHub:

```
git clone https://github.com/lerdisalihi/Kosovari
cd Kosovari
npm install
npm run dev
```

## Teknologjitë e përdorura

Në këtë pjesë do te prezantojme listen e plotë te teknologjive të përdorura në ndërtimin dhe funksionimin e aplikacionit KosovAR. Çdo teknologji është zgjedhur për të adresuar një nevojë të veçantë të sistemit dhe për të siguruar që aplikacioni të jetë modern, i shkallëzueshëm, i sigurt dhe i lehtë për mirëmbajtje.

### Frontend-i

KosovAR-i në pjesën e frontendit është i ndërtuar me komponentë të rigjenerueshëm që komunikojnë me backend-in përmes API-ve të Supabase. Ku më poshtë do të tregojmë në detaje të gjitha teknologjitë e përdorura:

### React.js + TypeScript

React është libraria kryesore për ndërtimin e ndërfaqes së përdoruesit në KosovAR. Gati çdo pamje dhe ndërveprim – nga faqja kryesore, te raportimi i një problemi, e deri te modalet për komentim – janë ndërtuar me React.

- Përdoret për:
  - Strukturimin e faqes në komponente (p.sh. IssueCard.tsx, IssueReportDialog.tsx, ARQRCodeModal.tsx)
  - Ndërtimin e formave për login/signup
  - Komunikimin në faqe përmes React Router
- TypeScript shton tipizim të sigurt dhe na ndihmon të parashikojmë dhe shmangim gabime logjike.

### Shembull në projekt:

```
const IssueCard = ({ issue }: { issue: Issue }) => ( <div>{issue.description}</div> );
```

## Tailwind

## CSS

Tailwind është përdorur për të dizajnuar aplikacionin pa pasur nevojë për file-ës të ndarë CSS. Me klasat e gatshme, kemi të dizajnuar UI moderne, responsive dhe të qartë për përdoruesin.

- Përdoret për:
  - Stilizimin e elementeve UI në mënyrë të menjëhershme (bg-white, rounded-lg, text-gray-800)
  - Responsivitet në pajisje mobile
  - Strukturim të kartave të problemeve, modaleve, formularëve dhe dashboard-it admin

### Shembull në projekt:

```
<div className="bg-white p-4 rounded-lg shadow-md">  
  
  <h2 className="text-xl font-bold">Raporto problem</h2>  
  
</div>
```

## Vite

Vite është përdorur si build tool për të përpiluar kodin frontend me shpejtësi shumë të lartë, krahasuar me Webpack.

- Përdoret për:
  - Shërbim të aplikacionit në zhvillim lokal (vite dev server)
  - Build final për deploy në Vercel (vite build)
  - Menaxhimin e environment variables (import.meta.env)

### Shembull përdorimi në projekt:

```
const supabaseUrl = import.meta.env.VITE_SUPABASE_URL;
```

## Backend

Backend-i në KosovAR nuk është një server tradicional, por përdor Supabase si një platformë “Backend-as-a-Service” që ofron auth, ruajtje të të dhënave dhe storage në cloud.

## Supabase

Supabase([Link](#)) është zgjedhur si backend i tërë aplikacionit KosovAR. Ai kombinon autentifikimin, bazën e të dhënave PostgreSQL, storage për media dhe RLS (Row-Level Security).

- Përdoret për:
  - Autentifikim të përdoruesve (signUp, signIn, session)
  - Ruajtje të raporteve të problemeve në issues (kategori, përshkrim, koordinata)
  - Ngarkim të imazheve të problemeve në storage
  - Politika sigurie që lejojnë vetëm autorin të shohë/edit raportin e tij (auth.uid() = user\_id)
  - Kontrollin e roleve (citizen vs. institution)

### Shembull në projekt:

```
const { data, error } = await supabase
  .from('issues')
  .insert([ { description: "Dritë e thyer", latitude, longitude } ]);
```

## Zustand

Zustand është përdorur për të menaxhuar gjendjen globale të aplikacionit pa komplikime si Redux. Ai është veçanërisht i përshtatshëm për KosovAR për shkak të kompleksitetit relativisht të ulët të logjikës së brendshme.

- Përdoret për:
  - Menaxhimin e listës së issues (problemeve)
  - Ndryshimin e gjendjes së raportimit (isReportingMode)
  - Operacione si addIssue, deleteIssue, updateIssueStatus

### Shembull

në

projekt:

```
addIssue: async (newIssue) => {
  const { data } = await supabase.from('issues').insert(newIssue);
  set(state => ({ issues: [...state.issues, data[0] ] }));
}
```

## Hostimi dhe menaxhimi i sistemit

### Netlify

**Netlify** është platformë moderne për hostimin e aplikacioneve frontend statike, si ato të ndërtuara me React + Vite etj. Ajo ofron një përvojë shumë të thjeshtuar për deploy dhe integrim me GitHub, si dhe një sërë funksionalitetesh që automatizojnë ndërtimin dhe publikimin e përmbajtjes në web.


### Përdorimi i Netlify në KosovAR:

Në projektin KosovAR, Netlify përdoret për të:

- Hostuar **build-in e frontend-it** (React/Vite)
- Siguruar **HTTPS automatik me SSL**
- Menaxhuar **CI/CD përmes GitHub** (çdo push në main → deploy)
- Ofruar **preview deployments** për çdo pull request që krijohet

### Rrjedha e punës me Netlify:

1. Mirëmbajtësi bën push në GitHub.
2. Netlify automatikisht detekton ndryshimin dhe ekzekuton:
  - a. npm install
  - b. npm run build
3. Dosja dist/ e krijuar nga Vite publikohet në CDN-in e Netlify.
4. Aplikacioni bëhet i aksesueshëm përmes një domain-it:  
<https://kosovar.netlify.app>




## Supabase Dashboard

**Supabase Dashboard** është paneli ku menaxhohet backend-in e aplikacionit KosovAR. Ai shërben si zëvendësues i një backend-i tradicional dhe përfshin:

- 1. Tables & Data Explorer**-Përdoret për të parë dhe menaxhuar të dhënat në tabelat users, issues, comments, etj. Lejon inspektim, filtrim dhe shtim manual të të dhënave.
- 2. Authentication**-Shfaq listën e përdoruesve të regjistruar. Mund të shihen email-et, rolet dhe metadata, si dhe të ndryshohen manualisht.
- 3. Storage**-Përdoret për të ruajtur imazhet e problemeve të ngarkuara nga përdoruesit. Adminët mund të shohin dhe fshijnë skedarë nga folderi public.
- 4. Policies (RLS)**-Kontrollojnë qasjen e përdoruesve të të dhënave. Në KosovAR, vetëm përdoruesi që ka krijuar një raport ose një institucion mund ta editojë ose shohë atë.
- 5. Logs & SQL**-Lejon debug të operacioneve (login, insert, update) dhe krijimin e queries për testim apo statistika.

Arsyeja pse është efektive përdorimi i saj është sepse mundëson menaxhim të plotë të të dhënave, qasjes, mediave dhe sigurisë – pa nevojën e ndërtimit të një backend-i të dedikuar nga e para.



## ARKITEKTURA E SISTEMIT

Arkitektura e aplikacionit **KosovAR** është e ndarë në tri shtresa kryesore, të ndërtuara sipas parimeve të ndarjes së përgjegjësisë (**Separation of Concerns**) dhe modularitetit. Kjo qasje ndihmon në mirëmbajtjen, testimin dhe shkallëzimin e aplikacionit.

## Shtresa e Parë: Frontend

Frontend-i është ndërtuar me **React.js + TypeScript**, ku çdo funksionalitet përfaqësohet me komponentë të ndarë dhe të ripërdorshëm.

Përgjegjësitë:

- Menaxhimi i ndërveprimeve të përdoruesit (formularë, klikime, QR scanner)
- Vizualizimi i përmbajtjes dinamike (karta të problemeve, komentet)
- Dërgimi i të dhënave në backend përmes Supabase SDK
- Marrja e të dhënave në kohë reale dhe rifreskimi i UI-së

Komponentët kyç:

- IssueReportDialog.tsx – Formular për krijimin e raportit
- IssueCard.tsx – Komponent për shfaqje të problemeve të raportuara
- ARQRCodeModal.tsx – Aktivizon kamerën dhe lexon QR code për AR
- Header.tsx, Footer.tsx – Komponentë të përbashkët të layout-it

## Shtresa e Dytë: Store & Logjikë e Aplikacionit

Kjo shtresë është përgjegjëse për **menaxhimin e gjendjes së aplikacionit** dhe për ndërveprimin me backend-in në mënyrë të qëndrueshme dhe të kontrolluar.

Teknologjia:

- Përdoret **Zustand** për të krijuar store-e funksionale dhe të lehta për përdorim

Funksionet kryesore:

- fetchIssues() – Merr të gjitha problemet nga Supabase
- addIssue(data) – Shton problem të ri në DB dhe rifreskon gjendjen
- updateIssueStatus(id, status) – Ndryshon statusin e një problemi ekzistues
- deleteIssue(id) – Fshin problem nga DB dhe UI

Skedarët:

- src/store/issues.ts – Gjendja dhe funksionet për raportet
- src/store/auth.ts – Gjendja e përdoruesit të kyçur dhe roli i tij



## Shtresa e Tretë: Backend

Supabase është zgjedhur si backend cloud për shkak të integritetit të Auth, Database dhe Storage në një platformë të vetme dhe të menaxhueshme pa server të dedikuar.

Komponentët:

- **Supabase Auth** – për autentifikim me email/password dhe menaxhim të sesioneve
- **Supabase PostgreSQL** – ruan të gjitha të dhënat (raporte, përdorues, komente, vota)
- **Supabase Storage** – ruan mediat që përdoruesit ngarkojnë (foto të problemeve)
- **RLS (Row-Level Security)** – siguron që çdo përdorues shoh vetëm të dhënat që i përkasin atij ose sipas rolit të caktuar


Skedari kryesor për komunikim:

- `src/lib/supabase.ts` – Krijon një instancë të klientit Supabase për përdorim në të gjithë aplikacionin

## Rrjedha e të Dhënave

1. **Përdoruesi hap modalin** për të raportuar një problem (IssueReportDialog)
2. Plotëson përshkrimin, zgjedh kategorinë, vendos lokacionin (përmes browser geolocation) dhe opsionalisht ngarkon një imazh
3. Në klikim të "Raporto", aplikacioni:
  - a. Dërgon të dhënat përmes funksionit `addIssue()` në `useIssueStore`
  - b. Kjo funksion përdor Supabase SDK për të bërë një insert në tabelën `issues`
  - c. Nëse ka media, ajo ngarkohet në `supabase.storage.from('public').upload(...)`
  - d. URL e medias vendoset në fushën `image_url` të tabelës
4. Nëse gjithçka shkon mirë:
  - a. Gjendja rifreskohet me `fetchIssues()`
  - b. UI shfaq problemin e ri menjëherë për përdoruesin dhe për të tjerët (varësisht nga roli)
5. Të gjitha këto veprime janë të mbrojtura përmes:
  - a. JWT token të përdoruesit të kyçur

b. RLS që kufizon shikimin dhe modifikimin sipas `auth.uid()` dhe `user_metadata.role`



### Shembull në projekt:

```
const { data, error } = await supabase.from('issues').insert({
  category: values.category,
  description: values.description,
  image_url: imageUrl,
  latitude,
  longitude,
  user_id: user.id,
});
```

Përfitimet nga kjo arkitekturë janë:

- **Shkallëzueshmëri:** Frontend dhe backend janë të ndarë dhe mund të rriten në mënyrë të pavarur
- **Modularitet:** Çdo komponent ka një rol të qartë (UI, gjendje, backend)
- **Siguri:** Çdo qasje është e kontrolluar me RLS dhe autentifikim
- **Shpejtësi zhvillimi:** Supabase e zvogëlon nevojën për backend të ndërtuar me dorë

### Baza e të dhënave


Aplikacioni KosovAR përdor një bazë të të dhënave të ndërtuar mbi **PostgreSQL**, e menaxhuar përmes **Supabase**, me fokus në modularitet, siguri dhe qartësi të strukturës. Supabase ofron gjithashtu funksione të integruara për autentifikim dhe ruajtje të skedarëve, por pjesa kryesore e logjikës së të dhënave ruhet në

tabelat  
ku shohim

e

mëposhtme.

## Mbështetje dhe kontakt teknik



Në rast se keni nevojë për ndihmë teknike apo rikuperim të të dhënave kontaktoni ne emalin tonë [support@kosovarapp.com](mailto:support@kosovarapp.com) ose në numrin tonë të telefonit: +383 44 505 000

Ekipa jonë është në dispozicion 24/7 për mirëmbajtje dhe asistencë emergjente.